



5 → “Мақсадимиз — муаммоларни таҳлилий ўрганиш”

100 минг нусхада чоп этилиб, текин тарқатиладиган газета бош муҳаррири билан суҳбат

6 → ТАРОЗИ

Ҳисобчи гангиб қолди. “Саккиз марта? Демак, бир юз олти кило! Э, тавба, мен шунча ёзсам, ўзи юздан ошириб терса. Ҳаммаси қанча бўп кетади? Унинг устига, кеча бир юз йигирма кило терган қиз бутун бирдан уч юздан ошириб юборса. Ким ишонади бунга?”

7 → Гўланинг миллионлари: афсонами, ҳақиқат?

Ўзбекистонда олиб борилган тергов ишлари давомида Гўланига оид материаллар бўйича қимматбаҳо буюмларнинг эгалари сифатида юздан ортиқ киши қонунга хилоф равишда ушлаб турилган ва қамоқда сақланган.



КЕЙИНГИ СОНЛАРДА:

Болалар дунёсида яшаётган адиб

Таниқли ёзувчи Худойберди Тўхтабоев билан муҳбиримиз суҳбати.

“У бой вилоятга камбағал бўлиб келди, камбағал вилоятдан бой бўлиб кетди”

Коррупция, яъни “жамиятни ичдан бузиш”, “пора эвазига ўзига оғдириш” тарихи инсоният ўтмиши каби кўҳнадири.

Синов ичидаги синовлар

Тест синови деганда давлат тест маркази томонидан абитуриентларни олий ўқув юрталарига талабалikka қабул қилиш учун ўтказиладиган имтиҳон кўз олдимизга келади. Аслида ҳам шундайми?

Марказий Осиё ёшлари форуми

Термиз шаҳридаги Ёшлар марказида Марказий Осиё мамлакатлари ёшлари “Дўстлик” форуми бўлиб ўтди.

Холмўмин МАМАТРАЙИМОВ ЎзА муҳбири

Ўзбекистон ёшлар иттифоқи томонидан ташкил этилган тадбирнинг очилишида Сурхондарё вилояти ҳокимининг биринчи ўринбосари Т.Боболов, Ўзбекистон ёшлар иттифоқи марказий кенгаши раиси ўринбосари Д.Собиржонова ва бошқалар мамлакатимиз қўшни давлатлар билан ўзаро дўстлик ва ҳамкорлик алоқаларини янги бос-

қичда ривожлантираётгани, Президентимиз ташаббуси билан ўтказиладиган мазкур форум ҳам бу борада муҳим аҳамият касб этишини таъкидлади. Нуфузли тадбир Афғонистон, Қозоғистон, Қирғизистон, Тожикистон ва Ўзбекистон Республикасининг 400 дан зиёд истеъодли ёшларини бирлаштириб, уларнинг ижтимоий фаоллигини янада ошириш, минтақада мавжуд муаммолар ечимини бирга-

ликда излашга ундагани ҳам бунинг яққол далилидир.

Мамлакатимизда ёшларнинг ҳеч қандам кам бўлмаётгани, истеъдод ва салоҳиятини кенг намойиш этиши, бизнес билан шуғулланиши ва инновацион гояларни ҳаётга татбиқ этиши учун барча шароитлар яратилмоқда. Жумладан, кейинги йилларда Сурхондарё вилоятида бешта янги олий таълим муассасаси ташкил этилди. Утган йили Термиз туманида Ўзбекистон Республикаси Олий ва ўрта махсус таълим вазирлиги ҳузуридаги Афғонистон фуқароларини ўқитиш таълим маркази иш-

бошлади. Бундан икки-уч йил аввал Термиз давлат университетида 50 га яқин йўналишда кадрлар тайёрланган бўлса, жорий йилда ёшлар 89 йўналиш бўйича касб сирларини пухта ўрганаётди. Ўзбекистон Республикаси Олий ва ўрта махсус таълим вазирлиги ҳузуридаги Афғонистон фуқароларини ўқитиш таълим марказида 130 га яқин афғон ўғил-қизлари ўзбек тили ва адабиёти фани бўйича олий маълумотли ўқитувчи ҳамда темир йўл транспорти мутахассислиги касбларини эгалламоқда.

— Бундай йирик форумда биринчи марта қатнашмоқдан, —

дейди афғонистонлик С.Башаш. — Бизнинг тилимиз, динимиз, дилимиз, илдизимиз бир. Энг муҳими, мақсадларимиз муштарак. Шу боис тадбир барчамиз учун жуда фойдали бўлишига ишонаман. Келажақда мазкур форумни Афғонистонда ҳам ўтказишни истаймиз. Биз, афғон ёшларига мана шундай кенг имкониятлар яратиб берган Ўзбекистон давлатига миннатдорлик билдираемиз. Тадбир доирасида вилоятдаги миллий маданий марказларнинг халқ амалий санъати ва хунармандчилик буюмлари кўргазмаси ташкил этилди.

» Қарор ва ижро

Дунё кафтимиздаги кўзгуга айланди. Яъни, ахборот асри самараси ўларок, дунёни кафтдек кўзгуга орқали кўриш ва англаш мумкин. Замонавий ахборот-коммуникация технологияларининг жадал тараққиёти бунга замин яратди. Бу глобал жараёнда Ўзбекистон ҳам илдам қадам ташламоқда.

Мирзо-Улуғбек АБДУСАЛОМОВ:

Сайлов жараёнини бошқаришнинг электрон тизими жорий этилади

Норгул АБДУРАИМОВА ЎзА муҳбири

Электрон сайлов тизимини яратиш орқали сайловларнинг шаффофлигини таъминлаш бўйича ҳам амалий ишларга киришилди. Давлатимиз раҳбарининг 2018 йил 4 октябрдаги “Сайлов жараёнига замонавий ахборот-коммуникация технологияларини жорий этиш чора-тадбирлари тўғрисида”ги қарори бунинг яққол далилидир.

ЎзА муҳбири мазкур қарор аҳамияти ва ижроси бўйича Ўзбекистон Республикаси Марказий сайлов комиссияси раиси Мирзо-Улуғбек АБДУСАЛОМОВ билан суҳбатлашди.

— Замонавий технологиялардан мамлакатимизнинг иқтисодий, ижтимоий-сиёсий салоҳиятини ошириш, эл-юртимиз кадриялари ва ютуқларини жаҳон ҳамжамиятига танитиш, халқимиз фаровонлигини ошириш йўли-



да самарали фойдаланилмоқда, — дейди М.Абдусаломов. — Президентимизнинг давлатчилигимизда улкан ўзгариш ясаган тарихий нуқти — 2017 йил 22 декабрдаги Олий Мажлисга Мурожаатномасида “...2019 йилда ҳокимият вакиллик органларига бўлиб ўтадиган сайловларга тайёргарлик кўриш бўйича тадбирлар дастурини ишлаб чиқишга ҳозирдан киришиш керак.

БИЗ ОБУНА БЎЛДИК! СИЗ-ЧИ?



Камолитдин Беҳзод номидаги рассомчилик ва дизайн институтининг тил ва адабиёт кафедраси доценти Фазилат ҚОДИРОВА.

Сарвар МАМБЕТОВ фотоси

“HURRIYAT”

газетасига 2019 йил учун обуна давом этмоқда. Обуна барча алоқа бўлимларида расмийлаштирилади. Газетамизга таҳририятимизда ҳам беосита обуна бўлишингиз мумкин. Мурожаат учун телефон: (71) 244-32-88
Нашр индекси: 233

» Уюшма фаолиятидан

Мамлакатимизда халқ фаровонлигини янада юксалтириш борасида изчил ва самарали ишлар амалга оширилмоқда. Буни, айниқса, қишлоқ аҳолисига муносиб шарт-шароит яратишга қаратилган доимий эътибор мисолида яққол кўриш мумкин.

Обод манзиллар: бунёдкорлик таҳлили ва такомили

Жобир ХЎЖАКУЛОВ

Президентимиз Шавкат Мирзиёевнинг “Обод қишлоқ” дастури тўғрисида» ва “Обод маҳалла” дастури тўғрисида”ги фармонлари ҳамда мазкур дастурларнинг ижросини таъминлашга қаратилган қарорлари бу борада муҳим омил бўлаётди.

Жорий йилнинг 1 апрелдан ҳар бир туман ва шаҳарда, аввало, олис ва табиий иқлим шароити оғир ҳудудларда 2018 йилда иккитадан ва келгуси йилларда учтадан қишлоқ аҳолисининг яшаш шароитини босқичма-босқич тубдан яхшилаш, турмуш тарзи ва даражасида сезиларли ижобий ўзгаришларни таъмин-

лаш, мазкур қишлоқларнинг қиёфасини замонавийлаштириш ва қишлоқ аҳли учун иш ўринлари яратишга қаратилган “Обод-қишлоқ” дастури ижросига киришилди.

Дастур доирасида шу йил бир юз етмишдан ортиқ тумандаги 368 маҳалла фуқаролар йиғини ҳудудларини комплекс ободонлаштириш, қурилиш-таъмирлаш ишларини бажариш, шунингдек, 127 минг 143 уй-жойни реконструкция қилиш кўзда тутилган.

